

會稽官揚江夏黃氏分譜






官揚本支小譜卷五

世家列傳叙

家史氏曰人道首務立身而家國天下均於是乎在
經曰自天子以至於庶人壹是皆以脩身為本蓋身
修則其人傳人傳而家傳家傳而國與天下俱傳生
斯世也不有其躬何以閑有家示方來師之上九日
開國承家小人勿用紫陽釋之謂小人雖有功不可
使有爵土而漢唐取士先問氏籍久矣天下之不可
無世家也三代而下國祚遠綿良由巨室相維人心



繫戀不可卒搖則國與天下顧不以家重哉我黃氏
歷傳以來荷祖宗之啟佑沐累朝之培養立德立功
立言載在史冊非葉奕之裁定則名賢之論列用垂
世範以彰舊德述世家述列傳

蘇曰自天子以至州縣人皆具官以前漢公本蓋
宋史乃曰人設官位世世而家國天下可貴也
世家以世為宗
官揚黃氏小譜卷五

尚書令文強公列傳

公諱香字文強江夏安陸人也年九歲失母思慕憔悴殆不免喪鄉人稱其至孝年十二太守劉護聞而召之署門下孝子甚見愛敬香家貧內無僕妾躬執苦勤盡心奉養遂博學經典究精道術能文章京師號曰天下無雙江夏黃童初除郎中元和元年肅宗召香詣東觀讀所未嘗見書香後告休及歸京師時千乘王冠千乘貞王伉章帝子也冠謂二十加冠帝會中山邸乃詔香殿下顧謂諸王曰此天下無雙江夏黃童者也左右

莫不改觀後詔詣安福殿言政事拜尙書郎數陳得失賞賚增加嘗獨止宿臺上晝夜不離省闈帝聞善之永元四年拜左丞功滿當遷和帝留增秩六年累

遷尙書令後以爲東郡太守香上疏讓曰臣江淮孤

賤愚蒙小生經學行能無可算錄遭值太平先人餘

福謝承書香代爲冠族葉令況之子也得以弱冠特蒙徵用連階累任

遂極臺閣訖無纖芥稱報恩効死誠不意悟卒被非

望顯拜近郡尊位千里臣聞量能授官則職無廢事

因勞施爵則賢愚得宜臣香少爲諸生典郡從政固

非所堪誠恐矇頓孤忝聖恩又維機密端首

謂尚至書令至

爲尊要復非臣香所當久奉承詔驚惶不知所裁臣

香年在方剛適可驅使願乞餘恩留備冗官賜以督

責小職任之官臺煩事以畢臣香螻蟻小志誠瞑目

至願土灰極榮帝亦惜香幹用久習舊事復留爲尚

書令增秩二千石賜錢三十萬是後遂管樞機甚見

親重而香亦祇勤物務憂公如家十二年東平清河

奏詆言卿仲遼等所連及且千人香科別具奏全活

甚眾每郡國擬罪輒務求輕科愛惜人命每存憂濟

又曉習邊事均量軍政皆得事宜帝知其精勤數加
恩賞疾病存問賜醫藥在位多所薦達寵遇甚盛議
者譏其過倖延光元年遷魏郡太守郡舊有內外園
田常與人分種收穀歲數千斛香日月令商者不農
王制仕者不耕伐冰食祿之人不與百姓爭利乃悉
以賦人課令耕種時被水年饑乃分俸祿及所得賞
賜班贍貧者於是豐富之家各出義穀助官稟貸荒
民獲全後坐水潦事免數月卒於家所著賦箋奏書
令凡五篇子瓊自有傳

家史氏曰公以純孝之本推爲愷惻之用聞風興
起無間今古宜子孫在在多聞人爲聞宗闕閱之
感古未有也嗚呼我公之澤永永天壤佑啟後人
其有艾乎



其自安平... 自古未有... 雖無... 案史... 曰公... 以... 錄... 之本... 謝... 對... 圖... 之... 以... 圖... 風... 如...

邠鄉忠侯世英公列傳

公諱瓊字世英江夏安陸人魏郡太守香之子也瓊
初以父任爲太子舍人辭病不就遭父憂服闋五府
俱辟連年不應永建中公卿多薦瓊者於是會稽賀
純廣漢楊厚俱公車徵瓊至綸氏稱疾不進有司劾
不敬詔下縣以禮慰遣遂不得已先是徵聘處士多
不稱望李固素慕於瓊乃以書逆遺之曰聞已度伊
洛近在萬歲亭豈執事有漸將順王命乎蓋君子謂
伯夷隘柳下惠不恭故傳曰不夷不惠可否之間蓋

聖賢居身之所珍也誠欲枕山棲谷擬跡巢由斯則
可矣若當輔政匡時今其時也自生民以來善政少
而亂俗多此爲志士終無時矣嘗聞語曰嶢嶢者易
缺皦皦者易汙陽春之曲和者必寡盛名之下其實
難副近魯陽樊君被徵初至朝廷設壇席猶待神明
雖無大異而言行所守亦無所缺而毀謗布流應時
折減者豈非觀聽望深聲名太甚乎自頃徵聘之士
胡元安薛孟嘗朱仲昭顧季鴻等其功業皆無所採
是故俗論皆言處士純盜虛聲願先生弘此遠謨令

眾人歎服一雪此言耳瓊至卽拜議郎稍遷尙書僕射初瓊隨父在臺閣習見故事及後居職達練官曹爭議朝堂莫能抗奪時連有災異瓊上疏順帝曰間者以來卦位錯謬寒燠相干蒙氣數興日闇月散原之天意殆不虛然陛下宜開石室案河洛外命史官悉條上永建以前至漢初災異與永建以後訖於今日孰爲多少又使近臣儒者參考政事數見公卿察問得失諸無功德者宜皆斥黜臣前頗陳災眚并薦光祿大夫樊英太中大夫薛包及會稽賀純廣漢楊

厚未蒙御省伏見處士巴郡黃錯漢陽任棠年皆耆
耄有作者七人之志宜更見引致助崇大化於是
有詔公車徵錯等三年大旱瓊復上疏曰昔魯僖遇旱
以六事自讓躬節儉閉女謁放讒佞者十三人誅稅
民受貨者九人退舍南郊天立大雨今亦宜顧省政
事有所損闕務存質儉以易民聽尙方御府息除煩
費明敕近臣使遵法度如有不移示以好惡數見公
卿引納儒士訪以政化使陳得失又囚徒尙積多致
死亾亦足以感傷和氣招降災旱若改弊從善擇用

嘉謀則災消福至矣書奏引見德陽殿使中常侍以
瓊奏書屬主者施行自帝卽位以後不行籍田之禮
瓊以國之大典不宜久廢上疏奏曰自古聖帝哲王
莫不敬恭明祀增致福祥故必躬郊廟之禮親籍田
之勤以先羣萌率勸農功昔周宣王不籍千畝號文
公以爲大譏卒有姜戎之難終損中興之名竊見陛
下遵稽古之鴻業體虔肅以應天順時奉元懷柔百
神朝夕觸塵埃於道路晝暮聆庶政以卹人雖詩詠
成湯之不怠遑書美文王之不暇食誠不能加今廟

祀適闕而祈穀絜齋之事近在明日臣恐左右之心不欲屢動聖躬以爲親耕之禮可得而廢臣聞先王制典籍田有日司徒咸戒司空除壇先時五日有協風之應王卽齋宮饗醴載耒誠重之也自癸巳以來仍西北風甘澤不集寒涼尙結迎春東郊既不躬親先農之禮所宜自勉以逆和氣以致時風易曰君子自強不息斯其道也書奏帝從之頃之遷尙書令瓊以前左雄所上孝廉之選專用儒學文吏於取士之義猶有所遺乃奏增孝悌及能從政者爲四科事竟

施行又雄前議舉吏先試之於公府又覆之於端門
後尙書張感奏除此科瓊復上言覆試之作將以澄
洗清濁覆實虛濫不宜改革帝乃止出爲魏郡太守
稍遷太常和平中以選入侍講禁中元嘉元年遷司
空桓帝欲褒崇大將軍梁冀使中朝二千石以上會
議其禮特進胡廣太常羊溥司隸校尉祝恬太中大
夫邊韶等咸稱冀之勳德其制度賚賞以宜比周公
錫之山川土田附庸瓊獨建議曰冀前以親迎之勞
增邑三千又其子胤亦加封賞昔周公輔相成王制

禮作樂化致太平是以大啟土宇開地七百今諸侯
以戶邑爲制不以里數爲限蕭何識高祖於泗水霍
光定傾危以興國皆益戶增封以顯其功冀可比鄧
禹合食四縣賞賜之差同於霍光使天下知賞必當
功爵不越德朝廷從之冀意以爲恨會以地動策免
復爲太僕永興元年遷司徒轉太尉梁冀前後所託
辟召一無所用雖有善人而爲冀所辟舉者亦不加
命延熹元年以日食免復爲大司農明年梁冀被誅
太尉胡廣司徒韓續司空孫朗皆坐阿附免廢復拜

瓊爲太尉以師傅之恩而不阿梁氏乃封爲邠鄉侯
邑千戶瓊辭疾讓封六七上言旨懇惻乃許之梁冀
已誅瓊首居公位舉奏州郡素行貪汙至死徙者十
餘人海內由是翕然望之尋而五侯擅權傾動內外
自度力不能匡乃稱疾不起四年以寇賊免其年復
爲司空秋以地震免七年疾篤上疏諫曰臣聞天者
務剛其氣君者務強其政是以王者處高自持不可
不安履危任力不可不據夫自持不安則顛任力不
據則危故聖人升高據上則以德義爲首涉危蹈傾

則以賢者爲力唐堯以德化爲冠冕以稷契爲筋力
高而益崇動而愈據此先聖所以長守萬國保其社
稷也昔高皇帝應天順民奮劍而王掃除秦項革命
創制降德流祚至於哀平而帝道不剛秕政日亂遂
使姦佞擅朝外戚專恣所冠不以仁義爲冕所蹈不
以賢佐爲力終至顛蹶滅絕漢祚天維陵弛民鬼慘
愴賴皇乾眷命炎德復輝光武以聖武天挺繼統興
業創基冰泮之上立足枳棘之林擢賢於眾愚之中
畫功於無形之世崇禮義於交爭循道化於亂離是

自立高而不傾任力危而不跌興復洪祚開建中興
光被八極垂名無窮至於中葉盛業漸衰陛下初從
藩國爰升帝位天下拭目謂見太平而卽位以來未
有勝政諸梁秉權監宦充朝重封累職傾動朝廷卿
校牧守之選皆出其門羽毛齒革明珠南金之寶殷
滿其室富擬王府執回天地言之者必族附之者必
榮忠臣懼死而杜口萬夫怖禍而木舌塞陛下耳目
之明更爲聾瞽之主故太尉李固杜喬忠以直言德
以輔政念國亾身隕歿爲報而坐陳國議遂見殘滅

賢愚切痛海內傷懼又前白馬令李雲指言宦官罪穢宜誅皆因眾人之心以救積薪之敝弘農杜眾知雲所言宜行懼雲以忠獲罪故上書陳理之乞同日而死所以感悟國家庶雲獲免而雲既不辜眾又并坐天下尤痛益以怨結故朝野之人以忠爲諱昔趙殺鳴犢孔子臨河而反夫覆巢破卵則鳳皇不翔刻牲天胎則麒麟不臻誠物類相感理使其然尙書周永昔爲沛令素事梁冀幸其威勢坐事當罪越拜令職見冀將衰乃陽毀示忠遂因姦計亦取封侯又黃

門協邪羣輩相黨自冀興盛腹背相親朝夕圖謀共
構姦軌臨冀當誅無可設巧復記其惡以要爵賞陛
下不加清徵審別真僞復與忠臣并時顯封使朱紫
共色粉墨雜蹂所謂抵金玉於沙礫碎珪璧於泥塗
四方聞之莫不憤歎昔曾子大孝慈母投杼泊奇至
賢終於流放夫讒諛所舉無高而不可升相抑無深
而不可淪可不察歟臣至頑駑世荷國恩身輕位重
勤不補過然懼於永歿負釁益深敢以垂絕之日陳
不諱之言庶有萬分無恨三泉其年二月丙戌卒時

年七十九贈車騎將軍謚曰忠侯孫琬

家史氏曰公言論風旨備載簡冊德業政行被當時
施後世卒之日四方名士會葬者七千人非甚盛德
風聲所樹烏能至此哉

陽泉鄉侯子琰公列傳

公諱琬字子琰少失父早而辯慧祖父瓊初爲魏郡太守建和元年正月日食京師不見而瓊以狀聞太后詔問所食多少瓊思其對而未知所況琬年七歲在傍曰何不言日食之餘如月之初瓊大驚卽以其言應詔而深竒愛之瓊爲司徒琬以公孫拜童子郎辭病不就知名京師時司空盛允有疾瓊遣琬侯問會江夏上蠻賊事副府允發書視畢微戲琬曰江夏大邦而蠻多士少琬奉手對曰蠻夷滑夏責在司空


因拂衣辭去允甚奇之稍遷五官中郎將時陳蕃爲
光祿勳深相敬待數與議事舊制光祿舉三署郎以
高功久次才德尤異者爲茂才四行時權富子弟多
以人事得舉而貧約守志者以窮退見遺京師爲之
謠曰欲得不能光祿茂才於是琬蕃同心顯用志士
平原劉醇河東朱山蜀郡殷參等並以才行蒙舉蕃
琬遂爲權富郎所見中傷事下御史中丞於暢侍御
史刁韙韙暢素重蕃琬不舉其事而左右復陷以朋
黨暢坐左轉議郎而免蕃官琬韙俱禁錮韙字子榮

彭城人後陳蕃被徵而言事者多訟躓復拜議郎遷
尚書在朝有鯁直臣節出爲魯東海二郡相性抗厲
有明略所在稱神常以法度自整家人莫見愷容焉
琬被廢棄幾二十年至光和末太尉楊賜上書薦琬
有撥亂之才由是徵拜議郎擢爲青州刺史遷侍中
中平初出爲右扶風徵拜將作大匠少府太僕又爲
豫州牧時寇賊陸梁州境彫殘琬討擊平之威聲大
震政績爲天下表封關內侯及董卓秉政以琬名臣
徵爲司徒遷太尉更封陽泉鄉侯卓議遷都長安琬

與司徒楊彪同諫不從琬退而駁議之曰昔周公營
洛邑以甯姬光武卜東都以隆漢天之所啟神之所
安大業既定豈有妄有遷動以虧四海之望時人懼
卓暴怒琬必及害固諫之琬對曰昔白公作亂於楚
屈盧冒刃而前崔杼弑君於齊晏嬰不懼其盟吾雖
不德誠慕古人之節琬竟坐免卓猶敬其名德舊族
不敢害後與楊彪同拜光祿大夫及徙西都轉司隸
校尉與司徒王允同謀誅卓及卓將李傕郭汜攻破
長安遂收琬下獄死時年五十二

家史氏曰公當漢室將傾與司徒允誅卓扶綱常植
名教爲千古快亂臣賊子至今寒心





按察公惠卿公列傳

公諱苾字惠卿其先居江夏之安陸尙書令文強公
十世孫新安守積公次子也隋開皇間徵爲兗州總
管寬以治民嚴以律軍遷金陵按察隋法盜一錢者
棄市時犯者數十人有司具狀公嘆曰苟子之不欲
雖賞之不竊一錢耳曷至是吾聞殺一無辜而得天
下不爲况數十人上書停其法於是天下坐盜者科
決有差悉活焉時鎮守吳英浦陽人以公仁慈妻以
女大業間兵亂偕隱浦陽二子居中居正成進士世

占籍焉

家史氏曰崇韜良稼二公嘗輯公遺文釐之成帙爲後考今皆逸致事蹟不概見雖然卽充金陵觀之仁恕足多矣

鈞隱君文綸公列傳


鈞隱君者婺之浦陽人諱縈字文綸一字天錫蘄州節度使時崇公億生三子長卽公次殿前將軍犖季大理寺卿犖當昭宗乾甯間董昌爲亂鎮海軍節度使錢鏐斬昌患秀州崇德民稀議徙浙東豪右時億公偕縈犖暨羣從子弟徙崇秀唐亾公仍歸浦陽居雙溪旁樂焉忘機因以雙溪鈞隱自號客有勸之仕者公含笑逾時抵板而言子未讀詩乎維曰於仕孔棘且殆彼世路之險巇孰與溪山之逸豫因歌曰

灼灼園中花依依溪畔柳扶筇登眺歸漫酌清尊酒
晝爽網溪魚夜雨剪春韭談笑來鴻儒情話連諸舊
天子不得臣諸侯不得友際此滄桑世伴奐何所有
後唐莊宗時連詔不起以同光三年乙酉卒距生大
中三年己巳享年七十有二子洪唐咸通辛卯生
晉天福丙申卒浩八孫瑕瑛唐大順辛亥生漢乾祐
庚戌卒琰琛璞玳琬珍

家史氏曰釣隱君潛德素位不求聞達子若孫在在
成族瀾漫江南何其盛也嗚呼雖年湮世遠遐想音

徽未嘗不一往而深





游木嘗不一并而氣

叔潤公墓誌

先考諱宗琬字叔潤越之會稽人也曾祖綽祖信父伯瑛皆隱德弗耀母鄭氏先君幼孤奉母及姊三人相恃爲命撫育教訓以致成立皆祖母也先君侍祖母疾朝夕理藥餌衣不解帶七月割膚禱神族人咸稱之祖母孀居六十年其年踰八十先君供菽水懽以終其壽先君性靜言寡持身介處事正舉動不越規矩知命樂天順受而已初稍能飲酒慮荒湛涓滴不入齒二十載刻志生理子孫日蕃每耽書默識謹

記終身不忘於先朝典故尤熟一里有義役捐畝出力俾弗懷延師訓子亶亶弗倦每與諸名士遊宴笑談珠玉年高耳順忽一日染恙呼導至前曰吾母年近期頤不能終養命也汝繼吾志吾無憾矣言訖而逝嗚呼痛哉先君生於淳熙甲辰九月辛丑易篋於淳祐丙午十月癸卯享齡六十有三娶王氏卒先十七年子四人長導次甯澄崧孫男八人鳳孫鵬孫鸚孫罄孫彭孫良孫潛孫林孫曾孫男二大增難老以至元己酉十一月丙申扶先君柩於大平鄉清修之

原合先妣兆也緣日薄無暇求名於當世姑撫大概
納諸壙

孤哀子導泣血百拜誌





此期願不能終... 志在無憾... 友言之...
 也嗚呼痛哉... 生於... 其... 易... 於...
 海東... 千... 血... 我...
 合式... 出... 日... 無... 來... 谷... 然... 當... 世... 無... 大...

大山公傳暨禁葬守墓篇

粵稽我祖孫醇不敢稱揚聊以吾父之垂訓述之祖
諱崑宗字大山鄉謚懋文曾祖我書公季子也賦性
嚴毅資稟穎敏讀書味古訓迪溫新遇人有事則必
秉公質直當日鄉黨中數十年無終訟皆吾祖爲之
委曲周旋排難解釋而人有以信之也閱乾隆九年
間族以子孫蕃衍宗祠湫隘咸興擴充祠宇之義宗
長仲鉉公命吾祖以董役宗人莫不欣然諾吾祖聆
之不敢辭繼歷數年而廟成閱歲在丙子六十有四


而天年終與祖母陳孺人合葬於清泰寺之右側既
塋葬於斯在堪輿家云觀此獅山雖非美地殊屬龍
真堪扞正旁二穴因吾祖晚年無嗣繼吾父以承祀
故祖墓右附吾父與伯母並塋一穴今已封墓者二
殆盡此山之佳矣誠恐後嗣覬覦空隙不知龍身峻
急氣逼局小若再行扞附如孟子有云豈其緣木求
魚無後災已此蓋殆有甚焉是特協議永遠禁葬再
以墓旁喬松乃封塋之庇廕實祖宗之式憑祖之音
容不可見視蔭木如見祖宗焉昔有甘棠祇召伯之

所憇南國之人尙愛之而不忍傷况蔭木更當有愛
於甘棠焉耳故并誌之深爲後之垂戒也夫

時

嘉慶十二年歲在丁卯荷月吉日

孫醇百拜誌



質愚公暨吳孺人合傳

公諱裳字元吉號質愚行崧二會稽官揚里人也曾祖敏大祖我書父嶽宗母袁氏公生九歲而孤賴母以成立年十七母袁孺人逝世家貧喪葬以禮爲族黨所稱弱冠後出嗣叔父鄉謚懋文崑宗公爲子克勤克儉家計小康二十五歲甫配吳氏孺人事嗣父母以孝聞後七年嗣父懋文公卽世又十八年嗣母陳孺人繼逝凡附身附棺之具雖與袁孺人時豐約不同而必信必誠無愆於禮則無弗同也乾隆戊戌

族中修葺宗譜費用不敷幾欲中止公獨捐金以竣其事戚族鄉里有急皆不惜傾囊助之其慷慨好義如此故終其身衣食僅足無大資財以乾隆壬寅六月五日卒距生雍正乙巳二月十六日享年五十有八葬寺嶼獅山嗣父母之兆側孺人吳氏克相於公用成厥家懿德垂範風規足式舉丈夫子五人曰鯉
 早世曰豪曰醇曰彬曰信能使義方垂訓克振箕裘
 含弄十二蘭芽茁而苗奇秀皆公之德有以培之宜
 其繩繩繼繼未有艾也孺人以嘉慶戊午十二月三


十日卒距生雍正甲寅正月二十三日享年六十有五歸葬於缸窰窰半月山之北麓論曰家之有譜猶國之有史也國無史則一朝之沿革不可考家無譜則一族之派別莫爲紀中世士大夫居高位擁厚祿或以利子孫或以娛聲色不可指數矣而宗族根本之地往往漠視公家非素封名不出里黨獨能以家譜爲己任嗚呼是可以風矣余故備而述之以光家乘而式閭里世之採風者庶幾永其傳於勿替焉

時

嘉慶十二年歲在丁卯花朝吉日

山陰童

璜拜撰



中議大夫質愚公傳書後


右會稽黃氏質愚公暨德配吳淑人合傳所敘公之
生平懿行有古君子風洵足垂家範而勵薄俗其馳
譽鄉黨佑啟後人非倖致也茲以曾孫允仁貴晉三
品封贈公爲中議大夫妣爲淑人而騎箕之歲已閱
百十二寒暑矣蓋修德食報歷久彌隆蘭秀芝榮方
興未艾觀斯誌者宜何如奮發以迪前光耶

時在

光緒十九年歲在癸巳孟秋之月

賜進士出身三品銜在任候選知府調署廣東南海縣

事實任新會縣知縣世愚再姪潘泰謙謹誌



中議大夫樸園公傳

今有飭紀敦倫而肅肅雍雍能以天真自率者乎則
其人必澹而厚今有整躬率物而眈眈穆穆不爲習
俗所移者乎則其人必正而公澹則不忒厚則不偷
正則不阿公則不比具此數者以立於世而其人之
足傳也明矣而其人之不可必得也又明矣今乃得
之於樸園黃公公諱豪字英先鄉謚正誼居恆以長
者聞寡言笑慎威儀重然諾好施與臨財不苟見義
必爲蓋得於性分者深矣椿庭早世事萱闈以孝愉

色婉容見於眉宇每飲食必脩之而脂膏滲澹之供
罔有勿給天之經地之義於是繫焉弱冠主家政克
勤克儉無怠無荒厥弟三人雁序雍容怡怡如也既
分荆孔懷殷切常則談笑而道變則涕泣而陳維持
調護備極周詳俾羣季宴然而終其身無宿怨以視
世之等骨肉於行路忽焉不加喜戚於心者其爲人
賢不肖何如也年四十未夢熊擬效盧邁故事旣乃
懸弧三義方立教詩禮傳家仁者必有後亶其然乎
猶子從子愛如己子其或詭於正則諄切誥誡之弗

納於邪而長幼乃罔敢弗服恩相接義相維也其在
外分別有讓恭儉下人衣冠瞻視之間儼然人望而
畏之而不肖之名竊竊焉恥爲所識敬人者人恆敬
其公之謂乎吾於是而知公之爲公其淳而厚也所
以飭紀敦倫也其正而公也所以整躬率物也其不
忒而不偷也不阿而不比也所以不失其天真不囿
於習俗也以公之心行公之事肅肅雍雍改改穆穆
公自成其爲公而已矣然而公傳矣至修社廟輯家
乘捐己地而構宗祠則又繼志述事而爲分所不容


辭云庚戌秋七月會公賢仲嗣海門解餉來京以行
實屬於余余深知公之令德故傳之

時

道光三十年歲在庚戌小陽吉日

賜進士出身翰林院編修前任福建主考實錄館總裁

世愚姪史 淳頓首拜撰



芥園公暨宋孺人傳

裕美黃公吾姨親也諱醕鄉謚裕仁別篆芥園行根
六世居官揚好讀書不求聞達布衣終身而令名四
播蓋其束修自好能樹立於一鄉者矣尤可敬者教
學課徒孳孳不倦後進受其栽成不知凡幾又工於
端楷遠近能書之士多就之若一切百家藝術之長
皆其餘緒而無足重輕者焉溯其行誼不苟言不苟
笑不苟爲不苟取事父兄以孝悌睦鄉黨以和親砥
礪廉隅足以挽澆風而懲末俗殆所謂今之古人與


原配鄭太孺人王太孺人皆無出而卒又配宋太孺人太平嶺宋鑄山公幼女也外祖原任福建福甯府孺人閩範素嫻治家勤儉無成而有終凡公之置買田園建造屋舍半由內助之力生子四女五皆婚嫁完美公又樂善好施興修祠廟願捐已地以作公墓修葺宗譜與其事者凡三正直不阿毫無私曲今公往矣父老故舊道其生平猶嘖嘖稱論焉昔人有銘曰山不在高有仙則名水不在深有龍則靈吾於公想像得之本年秋表弟文運有總理修譜之舉持公

之行迷囑叙於子忝居葭末因舉所見聞者爲謹識
其實云

時

道光三十年歲在庚戌十月中浣之吉

候選教諭姻晚生董 榘頓首謹識





椒園公傳

椒園公官揚里人也諱彬字士光素剛直少時折節讀書英英然時露爽氣及長治家政詞嚴法肅內外無嘻嗃聲易田疇勤樹蓄食以時用以禮而產業庫藏之遺因之日益而氣象增新焉鄉人咸稱道之其處昆弟也肅然敬雍然和旨酒嘉肴必共嘗之疾痛疴癢如膚受之遇變故則銳身任難弗惜艱辛語言則質直而性地無二三故鄉人以爲友其育子孫也智則課之以讀愚則督之以耕按日計功弗使稍遊

隋否則訶譴臨之又復鞭撻從之無姑息無苟安而衣服飲食之間體恤罔弗中其隱愛不廢勞勞以成愛故鄉人以爲慈其仔肩公事也經營不苟董率有方凡夫家乘宗祠以及神宮社廟之類若者創若者因若者補敝起廢措之以時副之以力雖披星戴月所弗辭而攻金攻木諸工罔弗畏服而亟亟於成功故鄉人以爲明而敏其晉接羣倫也不侮鰥寡不畏強禦隣里有不平則據理直陳之柔不茹而剛不吐不以一毫泄於人然心無機械變詐之計而有無緩


急則又未嘗不相恤相周盛氣莫撓而天真不爽故鄉人以爲毅而宏夫以公之剛直自矢不徇流俗不尚時宜於鄉人無苟合之行宜於鄉人有求全之毀而乃尊者卑者長者幼者親者疎者籍籍稱道無異辭斯以見公道自在人心而人之克自振拔者雖一鄉一邑亦足以流示於無窮公而卓卓如斯也竊嘆天地之正氣固未嘗一日忘也而公自此遠矣庚戌秋九月其諸令嗣以傳見辱余生也晚不能悉公之行事謹摭其大畧而爲叙之若是

時

道光歲在庚戌小陽吉旦

世愚姪陶

熙頓首拜撰



素園公暨鍾孺人行述

嘗讀父母之年不可不知爲人子者而於父母之行
述尤不可不傳洪不孝不敢稱揚先德要不能忘其
行述之由來先考諱信字行之號素園行根十一大
父質愚公幼子也資稟穎敏賦性溫恭年甫十四大
父逝世恪盡事親敬長之道先妣鍾孺人外祖可尙
鍾公長女也嫻內則於家庭優姆儀於閭里抑念考
妣分爨以來克勤克儉置產建宇家道小康每遇宗
黨親朋有雀角則必爲之排解有告急則必爲之周

恤第因大宗祠湫隘神位擁擠爰是彪鑑統賞四房
協議令先君以董役吾先君追憶大父與皇太父皆
任董建宗祠神廟暨董輯宗譜社壇故志切承先欲
步後塵是亦欣然樂從既倡議另建宗祠將景大祖
分給生人之胙公析生息以經營緣建立無址由是
與諸兄商議將父遺公共竹園捐作祠基經歷三年
而廟成迨天不假年奈道光甲申嘉平二十八日巳
時竟以獲疾而壽終距生於乾隆己丑十月二十六
日子時享齡五十有六曩時洪佐治橫湖奔號無及

吾母遂因父歿而哀傷迫切延至次年春王望日酉
時僅隔旬七而西歸距生於乾隆丁亥九月二十五
日寅時享齡五十有九因相地未卜越歲在戊子三
月旬日始得封塋合兆於漲港山之鳳嘴坐辛向乙
案對狸山嗟乎蓼莪之什未嘗不疾痛慘怛是以不
能令人卒讀也嗚呼欲報之德昊天罔極言有盡而
情不可終今因開雕之日聊摭行事之槩而述於世
譜深望後之子孫仰先德於勿替焉爾

時

道光八年歲在戊子端月上浣之吉

不孝男

維洪百拜敬述



追贈奉直大夫儒林郎湧泉公傳

湧泉公諱維沾一諱維洄樸園公長子也生而純篤
性孝友常得親歡家計不豐弟海門公觀瀾公相繼
遊粵公總理家事儉讓自持里閭羣處不聞詬誶嘗
侍父疾服勞數年痺者忘起病而無患蓋扇床溫席
躬執勤苦綿綿祖德斯又彰焉樸園公卒公居喪盡
禮鄉黨有稱咸豐十一年髮逆猖亂紹屬多被蹂躪
公聚族而謀曰官揚去城稍遠不如據險自守以全
一鄉於是悉索家資練勇自保賊來擾輒挫其鋒次

年甯波克復敗逆驚竄復率眾來犯公遂被害時年六十有七矣桑榆晚景未得一日安辛苦備嘗卒罹於禍君子痛之同治六年光緒十三年杜學士聯暨各京卿由順天府兩次具奏得蒙

恩卹

嗣奉 大部核議行知得追贈奉直大夫廕一子入

監讀書期滿以縣丞選用德配鄭氏亦贈宜人先公卒生子四長允脩次允傳出繼海門公爲子三允攸早世四允儀國學生廕選縣丞寄籍潮州生女三長適陳次適許三適許孫六思祥現官廣東陽江直隸

同知司獄思莖廣東西甯典史思渭思瀛思淑思湛
俱業儒會孫二恩普恩佐余與公世通姻好備論芳
德而賢嗣復以行事來曰願有述也將泐之家乘謹
撰次而爲之傳

賜進士出身兵部車駕司員外郎姻再姪潘適拜撰

六十有七矣桑榆晚景未得一日安寧者

於廟君子為之同治六年光緒十三年

谷京卿由順天府河次其友得蒙


致仕出身吳階車黨后員亦願取再致

對穴而為之謝縣丞選用德配鄉氏亦

繼而贊國斯以符喜來日願會淑也

其業需會終二恩普恩出余與公世

同賦同對恩望東面甯興也思昔思



中議大夫海門公傳

公諱洞字海門會稽官揚里人也曾祖祖父累世潛
德父諱豪以孫允仁出仕得被

恩贈階與公同有子三人公其仲也公生而純摯少孤事
母以孝聞宜兄弟樂妻孥一室之內訢訢如也居母
喪致慎盡禮鄉黨稱焉營葬既畢慨然有四方之志
遊楚遊粵善與人交所至咸稱爲長者咸豐間粵東
數遭兵燹商賈多艱而關吏苛以成例稅收大絀公
請承辦潮州口岸約定稅則商人得便至今懷之天

性好施每得餘資卽以歸濟戚里再積再散以故家
常不豐於戲其可謂樂善之君子同治中公郎允仁
官潮橋鹽知事就養官舍課孫自娛平居寬然貌不
自持而疾惡如風凜凜難犯矯然壯者也以子官遷
中議大夫頤養未極祿壽有終於光緒三年九月二
十九日卒壽六十有九淑人王氏以同治元年八月
十八日先公卒壽五十有九生子一允仁初任鹽知
事現官同知銜廣東補用知縣初公未有子以兄子
允儔爲嗣女一適陳氏早故孫男五思基卽思培思

堯現官同知銜廣東先用知縣思均兼襲雲騎尉世
職候選知縣思堅思埴孫女六余與公世通姻好備
諗芳德而賢嗣復以行事來曰願有述也將泐之家
乘謹撰次而爲之傳

賜進士出身翰林院侍讀學士姻愚姪吳講拜撰

官揚黃氏小譜

卷五

明

士仕長鍾林別封諸學士歐愚我矣鞠我鞠


我董與父而爲之對

取人王臣以同善天下

心入感而發論致以行事來日願亦安世繼德之家

與我遊中親親思望思報紆文六余與公出此歐我論

吾及官同歐出親東武用歐親思以廉潔雲氣親世



奉政大夫觀瀾公傳

觀瀾公諱維淇樸園公三子也性爽直不役名利處世溫厚無貴賤老幼皆能得其歡心自奉儉約而待人以豐戚友中無閑言焉幼歲失恃家貧躬耕自給少與伯兄湧泉公仲兄海門公相友善同處一室怡怡如也壯偕海門公遊粵館於瓊南咸豐十一年由瓊南赴潮郡仗仲兄力奉派潮陽關辦理稅務積十餘年征收務從寬厚商民服其平而稅課日益裕居潮二十餘年與海門公昕夕聚處無一日之離視同

居鄉里時情景如昨此其至樂也光緒三年海門公
去世公亦老且病欲歸不得藉供佛退養於海陽縣
屬之菴埠光緒八年冬卒於菴埠寓所時公年七十
二矣德配董宜人性靜淑當公遠遊時董宜人留理
家務以勤儉稱公於光緒元年慶逢

覃恩貶贈奉政大夫董氏亦贈宜人生子三長允儻以典
史分發廣東署理豐順縣湯坑司巡檢中年先逝世
次允儒遭髮逆之亂殉難得蒙

恩卹三允傑以鹽知事分發廣東女二長適徐次適范孫

五思鑫思銘思錫思鏗思芳曾孫二恩藩恩邦余與
公世交備諗芳德而賢嗣復以行事來曰願有述也
將泐之家乘謹撰次而爲之傳

賜進士出身兵部車駕司郎中截取江西知府世愚弟傳

鍾麟拜撰



孤獨我獨

顯

出與只浩車驚同湖中遊取立西缺

遊之宋乘船驚定而後之

州交前銷美而後歸動以行專來日願

思靈思論思影思空思笑會終一思

吳恭人行略


恭人姓吳氏曹娥鄉吳公寶田次女也幼識字而明
大體年二十四來歸予時予父海門公游粵佐關權
恭人事予母先意承旨計理家政克儉克勤鄉黨族
戚無閒言顧以家貧市針菑易膏火佐予誦讀因子
父遠處海隅恭人謂予曰翁春秋高君盍省之事姑
之道吾克任之母或顧慮予以告母母曰婦言甚善
可從也此去省父而交當世或出所學以遂顯揚亦
吾願也家有婦在能會我意汝勿念焉予小子泣而

志之恭人聞命卽日夜治裝趣吾上道凡行李所需
畧無一乏嗚呼可謂精審周緻者矣自余侍父海疆
不數年而西匪擾越恭人上侍邁姑下撫弱子深恐
老幼震驚盡典奩具招族黨及鄉之強有力者保衛
村舍賊不敢犯而恭人之心力於是交瘁矣歲壬戌
吾母棄養時海氛未靖予以父老道梗急不得歸恭
人恭率長男勉襄大事嗚呼代予之責寬予之過豈
鮮也哉豈鮮也哉而恭人之心力於是益交瘁矣服
闋會予補鹽官於潮迎先大夫於署先大夫命予曰

弱媳幼孫困居鄉里盍取以來代汝朝夕之事汝庶
可專力於外勤政以報

朝廷乎予卽寄書歸恭人聞信踵至由是先大夫之起
居飲食怡然泰然而恭人以交瘁之身又遇疾作瀕
危誠兒媳曰吾受翁姑資助母家厚恩不能孝養萬
一今症不起侍上睦姻望之汝輩矣語絕而歿時同
治辛未年六月初五日也得年四十有四寄葬潮州
海陽北門外之葉下桃同善堂公地噫恭人歸予二
十年同甘之日少獨苦之日多一旦失助奚止神傷

又恨曩因簿書不能表揚一二今因輯譜顧予亦老
 爰書其相之之大且勞者以誌勿忘光緒十九年歲
 次癸巳仲夏拙夫樂山黃允仁記



隨

(Faint bleed-through text from the reverse side of the page)

黃母謝太宜人誌畧

光緒辛卯

拱宸

橐筆南武得交黃君雲堦朝夕過從

甚相契洽見其爲人質直好義誠篤謙謹心竊欽慕
之而不知其受教於母氏謝宜人者深也宜人爲黃
君生母其外家世業農宜人生秉異質幼失怙事母
至孝賦性超邁及歸侍司馬公守分盡職舉凡鹽米
瑣屑翁姑起居莫不躬親趨奉以代大婦勞雖極紛
繁俱有條理終日無惰容懈志故尤得重闈歡暇輒
勤女紅篝燈課子永夜不倦數十年如一日黃君學

業之成皆宜人力也然宜人之心苦宜人之力瘁矣
夫坤元資化用毓靈淑之德陰禮教內克著懿雍之
美如宜人者殆得天既厚而其盡人以承天者亦纖
毫無憾矣乎謹按狀誌其大畧如左至顯揚徽音表
彰盛美則有俟當代立言之君子焉

愚姪丹徒李拱宸拜撰

芥園公六旬雙壽序

老子曰君子得其時則駕不得其時則蓬萊而行時
之得不得天也不問其得與不得而總無失其爲我
人也故魁偉卓犖之士不屈節於山巔水湄之間輪
困離奇之材常怡情於荒郊遐僻之地如拙齋先
生暨配宋孺人者巖阿特賞一若偕隱之龐公丘壑
自娛不啻移家之葛令人第見玉潤金堅海屋有添
籌之慶而不知琴耽瑟好家門荷順耳之休伏維
聖天子以甲科羅天下豪傑固宜罔不入其彀中而亦有

匏落而無所用者囊楮橐筆逡巡白首朝廷大事勿能與聞鄉隣急務猶爲周旋蓋以士之生斯世者達而在上則有利於天下爲天下不可少之人窮而在下則有利於宗黨爲宗黨不可少之人先生家居官揚自宋南渡至今七百餘年雖見代有聞人而宗譜之輯相沿紊如先生獨能邀同宗長勵志重修如治絲而不紊此其爲宗黨不可少之人猶之爲天下不可少之人而克全乎其爲我者彰彰矣齷齪者非虛生天地之間乎而况筆雖未能如椽猶得孟頫之體

歷雖未盡其蘊頗知羲和之遺其餘陰陽術數之說
可無論已行年六十而舉案齊眉誰謂桑榆之已晚
撰杖繞膝羣羨椿萱之並妍何必數懸弧於絳縣然
後張筵固已傳設悅於金妃能無獻頌且見先生冬
一裘夏一葛優游自適不與人世競一日之短長先
生之爲人又何如乎五月五日爲生申令旦榴紅照
眼舞衣颯延壽之杯蒲綠侵階笑口聽長生之曲記
曰六十始壽蓋言壽則壽矣而特其始也吾乃今知
先生之爲壽與世之所壽先生固將不一書而足也

是爲序

時

道光元年蕤賓吉日

會稽縣儒學教諭年愚弟盛炳章拜撰



樂山先生六旬壽序

恭祝

誥授中憲大夫樂山黃先生暨

德配王恭人六袞雙慶

重光單闕之歲月之仲秋

樂山黃先生偕其

德配王恭人爲六十雙壽同人

援古嘉禮致祝祠之義句言於

友濂友濂

別

先生

十餘稔矣零雨異地停雲各天邴原渡海頗憶孫登
劉惔臨風輒思元度茲值庚寅之降適符甲子之周
微諸君子亦將斟酌謨觴鋪陳鈿軸藉萊臺吉語補

苔岑舊歡爲 先生壽况夫辱八琅之侑爵爲十賚

之徵文乎獨是幽雅詠夫稱兕遷書紀其希韞義取
媚茲事殊攬揆至於繡鞏輓而致語盍介僕以騰觚
齒語所淪則蔓祠修禠齡談旗翼則華說編爛旣乖
文人紀實之常亦豈故交贈言之義懿維 先生金

心內朗銅行不渝滂仁曠義入疵不櫻睿識通裁六
府如燭固已履縮繩而靡帙揚金石而非諛綜而觀
之 先生之不可及蓋有四焉夫石褰黃枕江鯉茅
雞孝本孺誠性非外獎然皆樂養堂之康豫幸子舍

之優間 先生則愛日心長望雲目斷粵山楚水游

衣自檢夫鍼痕繭足重趼旅夢當呼夫郎罷重以中

更離亂變起倉皇妖霧侵而慈竹風凋春暉闇而靈

蕙霜隕簪抽痛訣杜棲竄致傷生機斷長悲羅遜殆

將滅性泊夫倚廬三載捧檄一官雖大椿不老尙怡

融列鼎之歡而寸草有心終棖觸故匱之伏此內行

之摯不可及者一也若夫桑羊心計雅善持籌顧和

吞舟悉憑漏網其操術本寬嚴異用或當官而張弛

皆非 先生則自把牢盤便神鞭算游臯小蠹偶不

辱於蒲鞭積引疲綱亦紓期於莢課獨至豪紳龍斷
奸賈蠹謀必防太阿倒持尤慮漏卮難塞是故潮橋
諸埠自 先生剗議改歸官辦歲帑增四萬餘金以
度國軌如披海王之篇以便均輸勝讀桓寬之論此
奉職之勤不可及者一也至若鴻敷中澤安輯爲難
鯨跋滄波艱危待濟故勸民出粟富粥之治青州也
詣闕獻縉卜式之紓邊患也 先生殫矢血誠同符
曩哲其於浙江賑捐及粵東海防前後集貲數逾億
萬臣無他志本忘家憂國之誠

天賁殊恩爲好義急公者勸秩增四品寵荷夫

龍光

誥錫駢闐榮加於鵷序此籌國之忠不可及者一也推之於尺澤沾而溝起瘠惠風被而枯木黃朱家郭解交朋通其有無穉季君卿間鄙資其緩急然其人原任俠迹近市名先生則陰德耳鳴渥施首被南郭物來順應東平樂此不疲邠成割產以篤窮交晏嬰分祿而瞻三族泉出山而彌潤谷吹律而溫回此惠物之仁不可及者一也叢善旣徵詒謀斯遠又况高柔

玩世並徵家室之賢嵇含誦詩倍增伉儷之重蓋

德配王恭人儀法鍾郝誠式班張姆師酒食酌蘋蘩

之議書女工杼機織鑑鞞之才思周禮所云順備漢

紀所稱婉靜者兼而有之宜夫同心結綰喜鶴侶之

相莊連理枝長作鯉庭之新蔭茲其次君雲階以齶

尹遷秩需次縣令傅氏縣譜用以傳家胡威清聲式

彰嚴訓此外諸郎并振振麟角濟濟鳳毛行見龍文

虎鬻籥雲霞而上馳虬鏢蛟鑪貫生虹而并燿先

生顧而樂之三壽卜其作朋五福徵其咸備今者桂

樹香霏蘭墀日永高陽里第攢弁如星通德門間聯
裾成幄咸將駐羲轡肆賓筵友濂戒褻京國方如北
嚮之鴻獻頌楚庭且託南飛之鶴誠愧濡毫捧日撮
壤崇山顧懿脩之述稱誦非誣徵實之言揆張勿尚
用侑手仇之載俾抒心企之忱云爾

頭品頂戴兵部侍郎兼都察院右副都御史巡撫臺
灣等處地方軍務兼理糧餉鄉愚弟邵友濂拜撰

贊善處此式軍絲兼駐賦喻機愚策沿文兼手號

煎品煎蓮共沿於頂兼沿察詞古區將喻史發燕臺

用許手此之輝幹特以全之謝云爾

東崇山醜續翁文枚賦簡非強燈實之言對盡必尚

憐之斷類則裝致且指南深之辭如則需亭耕日眾

部功勤均豫劫奏響畢資發

樹香霏蘭輿日木高懸里象贊兵收皇無歸門歸繼



續修宗譜跋

鳳書文翰

江夏世系一世祖爲文強公者從始居之也遞至二十五世縈公居分甯越十一世去分甯南來而至剡爲潛善公卜居官揚之首實由細一公其餘折處旣多勢難通考故第列發派三十六世於前以誌其舊下以細一公聚族於官揚爲本支一世祖起爲其後者咸譜之凡散處者悉誌其地以備參考今修及此規模預定共成六卷額仁義禮智信五冊捐公資以開雕又額孝友睦姻任恤六冊又官太一冊尚未名

額各出已資以剗劂給散珍藏俾識源流所自無稍
損襲俟後之續修或集齊編輯遺失變易者為輕祖
棄宗云共斥責之維時踵事者主者鑒者編者校者
則有若爾人並將名目開列於左

時


嘉慶十二年歲次丁卯孟秋中浣之吉

十五世榮公孫公一十一世孫醇謹識

宗長元杏

宗譜

房長文郁



元興

相周

大生

總理 鈞

監定 醕

校閱 振文

幹首 誠先

國英

國禹

兆燦

祥國

忠元


英先



有仁

天道

振名



望宗

大世

宗長

房長

重修宗譜跋

余憶未冠時係乾隆戊戌間先君質愚公董任家乘
之總理而得隨與之從事迨嘉慶丁卯竊司鑒輯越
今戊子而又任其責焉始而幸也得蒙先人之餘澤
厯家乘於三修繼而懼也如余之謏劣者才不及中
庸而荷此鴻鉅之獻章是以殫心厥慮朝乾夕惕未
遑敢怠第聞見之所不及不敢強附然似續之綿延
世系之載續一一爲之編名定諱畧無遺漏厥今鉉
續重修復集六卷定其目曰祖功宗德四冊釀公金

以剖劖又編其名曰源遠流益長五冊惟官太一冊
未額各擲已資以開頒由是別其名不與舊譜同其
目俾後之瞻視者知某字爲某年之所輯某號爲某
歲之所修前後條分縷析合之源會氣同分給各房
珍藏傳之百世來裔抑止前修私淑遺澤毋稍穢
以俟後之續修某字某房確有根源遺失變易族共
斥責維時踵事者監主編校則有若爾人並將名目
開列於左

時

道光八年歲次戊子林鍾中浣之吉

裔孫拙齋醇謹識

宗長 相均

房族 大夏


元瑞

天成

監理纂定 醕

總理 彬

振武



編述

南祿

兆祥

校閱

兆鳳

增榮

幹首

國士

振山

振全

廷珩



續修宗譜跋

左譜七卷歷經前人輯而傳之也憶前戊子纂修時
豪方成童我父邦新公謂拙齋先生鑒輯宗譜不偏
倚無遺漏詳審精密無以復加遂珍爲家中寶夫譜
爲世系之籍上承

鼻祖下啟耳孫所係盛大矣我黃氏之譜元延祐時
已釐訂成帙歷明以來其間幾經修輯殊不可考逮
熙朝乾隆戊戌經武遷公及光午公一修則頭緒始清
又嘉慶丁卯經拙齋公及歧周公一修則記述愈詳

至於道光戊子編述者有學政公校閱者有德鳴公
且得拙齋公仍爲之統輯鑒理則往者繼來者續條
分縷晰無毫釐之差二十年來猶可步其後塵焉今
歲秋族長承祥公恐年遠代湮致失倫次與各支長
議將是譜續修延族叔文運族兄魏亭同爲鑒理豪
亦忝任其責後之人繼此而後亦猶今之人繼前而
修者也相繼無窮卽遞修無已吾族之譜非可得而
常新哉工旣竣爰恭綴數言以附簡末

時

道光三十年歲次庚戌十一月穀旦

二十三世裔孫明豪敬跋



宗長

承祥

房長

維楨

鑑

嘉義

光夏

監理纂定文運

巍亭

明豪

幹首

維灌

兆占

振萃

啟賢


南宰

明榮

成孝

益玫

克順



續修譜跋

吾族之譜大凡二十餘年一爲修輯余年一甲忝任
與修之責者二次矣然前則有文運公之卓識過人
巍亭公之明達超衆二公相與鑒理得無疎漏余隨
其後亦能寡過焉茲二公去世余質庸愚學又鄙陋
欲步二公之塵本不稱職况當粵匪擾後登載甚多
又族大居散稽查未易以無能爲之人任不易爲之
事而欲求其一無疎忽者不誠一難哉乃幸有巍亭
公之子荆山克肖其父鑒理北房分司其事余得以

官抄黃氏八譜 卷五
輕其任也。又有各派支長比戶稽查方能得循舊規。將生死月日墳墓地名男女婚嫁仍然一一書明。卽被匪害於本境者。但有實據亦無不然。惟被擄之人。既不得竟言其死。亦不得竟言其生。姑於其年表下註明被擄字樣。俟後修譜時再行添補更正。今工竣矣。復訂七卷連官太楮共七冊。每冊各編一字合而言之。曰孝弟慈。所以修身俾各房珍藏。各有根源。爰撰俚句以表其由云。

時

同治十一年歲次壬申姑洗月 穀旦

二十三世裔孫鶴樓明豪謹識

宗長 建仁

房長 啟聖


尙書

建義

步顯

監理纂定明豪

益致



幹首 步顯

康甯

魁英

源秀

思聖

